

LXXXIX

دار الفنون

جلد اول فقہ و فرائض و عبادت

حقوق ، اقتصادیات

ایک آئینہ بر نشر اور نور

مندرجات :

قسم حقوقی :

- تطبیق واجتہاد [منصورى زاده سعيد]
- داعی بی طرفلق حال ووظائف [احمد صلاح الدين]
- ساختمه لكده استعمال [دیران]
- افلاسك عقود ومقاولاته تأثیرى [على كمال]
- سربستی مقاولات [میسون واطوره]

قسم اقتصادی :

- تمتع ویركوسى [ابراهيم فاضل]
- احصائياتده استحضار عملیه سی [مصطفی زهدی]

استانبول — مطبعه عامره

۱۳۳۲ — ۱۳۳۴

دائی بی طرفلق حالی و شروط و وظائفی

علی الاطلاق بی طرفلق ، حرب مواجہہ سنده متأسس و حربك حقوقہ رعایتکار برصالحدن باشقہ برشی دکلدر . اصل بی طرفلق تلقیسی بودر . علمده « عادی و موقت بی طرفلق » دیہ یاد ایدیلن بوشکل بی طرفیہ ، بزده دها معیندار و فقط غیرمأنوس برتعبیر ایله (تحقی) ویا (حیات) دینیلہ بیلیر . لاتینجده (نہ بری ، نہ دیکری) معناسنی مفید (neuter) دن اشتقاق ایندیریلن (neutrality) و (neutrality) تعبیرلری ، ایلاک دفعہ اون آلتنجی عصرده (ماکیاوئل) و (ژان بودن) و بالخاصہ (نومایر دورامزلا) طرفلرندن استعمال و تثبیت ایدلمش و بوکونہ قدر ، بر حربده محاربلرندن هیچ بریلہ تشریک حرکت ایتمہ یئرلی افادہ ایتمکده بولونمشدر .

مع مافیہ اون طبقوزنجی عصرک اوائلده ، باشقہ برنوع بی طرفلق تلقیسی دها دوغمش و بوکا ارباب علم ، « فوق العادہ ویا مؤبد بی طرفلق » عنوانی ویرمشدر . دائی بی طرفلق نامی آئندہ معروف بر اثرک محوری (پیچجونی) ، دیورک : « بونوع بی طرفلق ، بالضرورہ عہدیدر . قومشورلی آردسندہ برائتلاف واقع اولقسزین بر دولتہ صلح مؤبد تأمین ایدیلہ مزہ . مؤبد بی طرفلق ، دیکر دولتلرلہ منعقد بر مقاولہ ایله کندیسنہ صلح مؤبد تأمین ایدیلن بر دولتک حالی در . »

در حال اشارت ایدلمکہ بی طرفلقہ علاوہ اولونان مؤبد و perpétuel صفتلری دوغرو دکلدر . زیرا - اسکی ، فقط فکرأ صحیح برتعبیر ایله - شو عالم کون وفسادده هر کون بیک درلو عوامل تحت تأثیرندہ معروض استحالات اولان سیاسی ویا اجتماعی امور بشریہ ایچندہ معین برحالت ووضعتک ابدیت قرین اولہ جفتہ حکم ایتمک قابل اولاماز .

رسمیاتده Neutralité perpétuelle تعبیری ، ایلاک دفعہ ویا نہ قونغرہ سنده اسویچرہ اموریلہ مشغول قومیسینونک ۱۶ کانون ثانی ۱۸۱۵ تاریخلی بر راپورندہ قوللائلشدر . بوراپورده دینیلوردی کہ : « دول متفقہ ، مسالمت عمومیہ ناک اعادہ سی انناسندہ هلوه چیا ہیئتک مؤبد بی طرفلقنی تصدیق ایتمکی وایتدیرمکی تعہد ایدرلر » ایشته او تاریخندن بری بی طرفلقک بونوعنہ ، مؤبد بی طرفلق دینیلہ کلشدر .

فقط لسان علمده مؤبد یرینه دائمی permanent صفتی ترجیح ایدلمکده ودائمی بی طرف دولت دیندیکي زمان، بی طرفلغی غیرمعین بر مدت دوام ایدن دولت آکلاشلمقده در .
دائمی بی طرفلق منشأی .

دائمی بی طرفلق فکری، خیلی یکیدر، سیاست و حقوق دولک آنجق بر عسقلق برابداعی در . حرب زماننده کی بی طرفلق تاقیسنه بیله بیکانه اولان ازمنه قدیمده دائمی بر بی طرفلق نه اولدیغی بالطبع معلوم اولامازدی . کرچه کرک یونانیلرده و کرک رومالیلرده بعض اسباب و ملاحظات مذهبییه تأثیری آلتنده بعض مقامات مقدسیه و از جمله (دهلف Delphes) و (سیرا Cyrrha) معبدلرینه و توسیعاً بونلرک بولوندقلری شهرلره حرب زماننده بر مصونیت تأمین ایدلمش ایدیسده بونکله دائمی بی طرفلق تلقی حقوقیسی آره سنده هیچ برمانلت یوقدر .

خیلی زماندن بری فعلی بر بی طرفلقدن متمم اولان اسویچره استنا ایدیلیرسه، اون طقوزنجی عصردن اول بویله بر بی طرفلق مثالنه تصادف اولونماز . ۲۷ مارت ۱۸۰۲ تاریخنده (آمین) ده منعقد معاهده صلحیهده (مالطه) و (غوزو) و (قومینو) آطه لرینک بعض شرائط داخلنده (سن ژان دوژه روزالهم) طریفته اعاده و تسلیم ایدیه جکی تصریح اولونیوردی . بو شرائطدن بریسی ده مالطه آطه سیله ملحقانک دائمی بی طرفلق حالنده بولونمسی ایدی . بواحکام، آوستریا، اسپانیا و فرانسه و انکلتره و پروسیا و روسیه نك حمایه و کفالتی آلتنه وضع اولونمش ایدی .

فقط بر آرزوکره حال صلح منقطع اولدی . انکلتره یدضبطنده بولتان بو آطه بی محافظه ایتدی . و محاربه عظیمه نك نهایتده ۱۸۱۴ پارس معاهده سنک یدنجی ماده سی ، «مالطه آطه سیله ملحقانک ملکیت و حاکمیت کامله سی بریتانیا حکمدارینه عائد» اوله جغنی واضحاً کوستردی . ایشته عهداً دائمی بی طرفلق تأسیس نك ابلک و قیصه بر تطبیق، بو مالطه آطه سنک بی طرفلغندن عارت اولمشدر .

آرتق اوندن صوکره ۱۸۱۵ ده اسویچره نك ، ۱۸۳۱ ده بلجیقانک ، ۱۸۶۷ ده لوکسنبورغک، ۱۸۸۵ ده قونگونک زمانمزه قدر دوام ایدن عهدی بی طرفقلری ایله قراقوویه نك، قورفو، و پاقسونک کی موضعی وتالی، بعض بی طرفقلری وجوده کترین احکام عهدیه وجوده کمشدر . بونلردن هر بری آیری بر رتدقیقانه زمین تشکیل ایده بیلیر .

بزرگمقاله من ایچون دها محدود بر ساحت تبع انتخاب ایتدک اوده صورت عمومی ده دائمی بی طرفلق شرائطی ایله حقوق ووظائفدن عبارتدر . بومیانده ماهیت خصوصیه سنه مبنی اراضی بی طرفلقدن بیله بحث ایتیه جکیز .

دائمی بی طرفلق ماهیتی

بر دولت ، و حیر . الجہت بر بیاننامہ ایله کندیسینی موقت بی طرفلق حالندہ بولوندر ایلیبر سده دائمی بی طرفلق ایچون بویله بر احتمال موجود اولاماز . دائمی بی طرفلق ، مطابقاً ذات الطرفین بر مقاولہ ایله ، عہدی بر صورتلہ تأسیس ایدہ یلیبر . قاعدہ عمومی اولہرق دینلمکده درک : « بر مملکت ، دیگر دولترہ قارشی ، کندیسنه ، آنلرک موافقتی اولمقسزین رأی خو یله ، دائمی بی طرفلق حالنی ویرہ منز . کذا دیگر دولترده او دولتک رضا وارادہ سی لاحق اولمقسزین ، اونی زورلہ دائمی بی طرفلق حالنہ قویامازلر . »

شو حالہ کورہ دائمی بی طرفلق تأسیس ایدہ جک بر مقاولہ نک منعقد اولہ یلمسی ایچون ، بر طرفدن بی طرفلق حالنہ قونہ جق دولتک ، دیگر طرفدن آنک بی طرفلغنی تکفل ایله جک دولتک منافعی توافق ایتک لازم کلیر . حال بوکہ فعلیائده دائمی بی طرفلق ، اکثریانی طرف دولتن زیاده آنی او حالہ قویہ جق دولتک منافعی ایچون وضع و تأسیس اولنور . بی طرف دولتک منفعتی شو اولہ یلیبر : بعضاً ضعف بر دولت ، کندی قواسیلہ کندینی مدافعہ دن عجز نی ادراک ایله موجودیت و تمامیتنی ، آنلری محافظہ ده علاقہ دار دها قوی دولتک حمایہ و تأمینانی آلتہ وضع ایتک اوزرہ بی طرفلغہ طالب اولور و حقوق سلطنتنی تحدیدات مهمہ یه اوغراتیر . کافل و مؤمن دولتک منفعتی ده اکثریا شوندن عبارت اولور : ذی سطوت دولتر ، موقع جغرافیسی اعتباریلہ ایکی ویا متعدد رقیب دولت آرد سنده برسد سدید خدمتنی ایضا ایتک اوزرہ بر کوچوک مملکتی بی طرف دولت حالنہ وضع ایتک حواشکر اولورلر .

دائمی بی طرفلق سوائق و نوائدی

مطالعات آتفہ دن استدلال اولونورکہ دائمی بی طرفلق ، باسلیجه ایکی منفعت سیاسیہ ملاحظہ سندن تولد وایکی مهم فائده عرض ایدر :

۱ — کوچوک دولتلری ، قوی قومشورینک تجاوزاتنه قارشی صیانت و بو وجهیلہ بویوک سلطنتلر آرد سنده ادامہ موازنت ایتک

۲ — معظم دولتله آره سنده بر حائل خدمتی ایفا و دوغورودن دوغورویه تصادماری
choos بر طرف ایده جک مصون اراضیلر تأسیس ایله مک .

بوکا ، — (تیره) که معروف بر تعینجه — « طیفاج دولتله Etats-tampons اصولی »
دنیا مکنده در . بونله عسکری واجتماعی دیگر بعض فواید و ملاحظات دهانضمام ایتمکده در :

۳ — قوی دولتله مدهش اور دولرینی ، اسویجره کبی یک مستثنای بر اهمیت حائر
طرق سوق الجیشیه دن مهمما ممکن اوزاقلاشدیر مق و بو صورتله بالخاصه اوروپا اورته سنده
حرب ساحه لرینی آزارته رق صلح امید لرینی چوغان مق .

۴ — بی طرف مملکتله متنعم بولندقلری سکون و آسودکی حسیله علی العموم
بین الملل اتحادله و مختلف مملکتله آره سنده کی مناسباتک حسن جریاننی تسهیله صالح
مؤسسانه مقر اولق .

دائمی بی طرفلق شرائط عمومیه سی

عرض ایتمکله بو فواید رغماً ، دائمی صورتده بی طرف دولتله نامتناهی تربید
مقداری تصور ایله مز . زیرا بو وضعیت ، آنجق بعض شرائطی حائر مملکتله قابل
تطبیق در . (آره ند) ، « حقوق عامه نقطه نظرندن بلجیقانک بی طرفانی » عنوانی آلتنده
یازدیغی بر اثر نفیسه ده ، بر دولتک دائمی بی طرفلق حالنه وضع اولنه بیلمسی ایچون باشلیجه
اوج شرطک وجودینه احتیاج کوستریور و دیورکه :

« بی طرف اوله جق دولتک ، اولاً — حرکت عمومیه سیاسیه اوزرنده بی نفوذ ایکنجی
درجه ده بر دولت بولنسی ؛ ثانیاً — بروظیفه تاریخیه سی اولامسی ؛ ثالثاً — تبعه سنک
عصرلردن بری عنعنات تاریخیه مشترکده و اولدقجه مبارز و قطعی بر شکل ملیته مالک اولمی
لازمدر . »

تاریخ عالمک قید ایتمکله ظروف و احواله نظراً دولتله ، دائمی بی طرفلق حالته
تأسیسی بخشنده ملاحظات عسکریه ده مهم بر موقع ویرمش اولدقلردن ، وضعیت
عسکریه نک تأثیرینی ده حقوقیونک آز چوق برفرق ایله قبول ایتمکله بو شرائط ثلاثیه
علاوه ایتمک معقون اولور . شمدی بو شرائطی بر آرز تدقیق ایده لم :

۱ — دائمی بی طرفلق حالنه وضع اولونه جق دولتک ، سیاست عمومیه ده اجرای تأثیر
امیدنده بولونه میه جق قدر ضعیف و فتوحات و احراز نفوذ حرصلردن مبرا اولمی ،

بيوك دولتلىرى قوتلاندېرمايه جق ، بالعكس آنلرك معاونتني آرايه جق بر حالده بولونمى لازمدر . بو بابده سالم برفكر ايدينيله بيلمك ايچون دائمي بي طرفلق حالك ، الحاله هذه اوروپاده نه قدر بر ساحة جغرافيه اوزرنده جارى ونه مقدار نفوسى محيط اولديغنى فصاحت ارقام اياه افاده ايده لم :

اسويچره ۴۱،۳۴۶ كيلومتر مربعى اوزرنده ۳،۶۰۰،۰۰۰ نفوسى ، ايچيقا ۲۹،۴۵۶ كيلومتر مربعى اراضيده ۷،۰۰۰،۰۰۰ نفوسى ولوكسبورغ ايسه ۲۵۸۷ كيلومتر مربعى اراضيده ۲۴۶،۰۰۰ نفوسى حاويذر . اوروپا قطعه سنك مساحة سطحيه سى ايسه اون مليون مربع كيلومتره اولوب مقدار نفوسى درت يوز مليون راده سنده بولمى . وده اوروپاده اراضينك تقريباً بيكده يديسى ونفوسك آنجق قرتده برى بي طرف درلده عائد اولدينى كوريلور . بو حسابى اوروپا ايچون ياپمايوب بتون دنيا ايچون ياپارساق ، بي طرفلره عائد اراضى واهالينك نسبتي بك زياده كوچولور .
الحاصل آكلاشيلور كه دائمي بي طرف دولتلىر ، اللرنده وسيع كشورلر ، مهيبت كتلهلر ، بيوك قوتلر بولونان معظم سلطنتلردن معدود دكلدرلر .

۲ — دائمي بي طرفلق حاله وضع اولونه جق دولتك ، ايسا ايديله جك بر وظيفة تاريخيه mission historique سى قلاماش اولمى لازمدر . بو سوز ، محتاج تنويردر . فقط بز بوراده نه (همه غل) ك وظيفة تاريخيه نظريه سنك عرض ايتديكى مهيبتى ، نده موسقوف چارلنى كى بعض دولتلرك بك فضولى بر داعيه طرزنده كنديلرينه ويردكلرى وظيفة تاريخيه نك ساخته لكى تشرىح صددنده دكلر . يالكز دائمي بي طرفلق نقطه نظرندن بو شرطك معنائى ايضاحاً ديه يليز كه : «دائمي بي طرفلق حاله قونه جق دولتك وظيفة تاريخيه سى اولمامليدر» ديمك ، او دولتك نشو ونماسى ، تكامل تاريخيسى اكمال ايتش وتماميت مليه سنى آلمش ، بعد ازين توسعه امكان وامايد ويا حرصى قلاماش بولمى لازمدر ديمكدر .

(يقچيونى) ، بو شرطى بك مهم بولور . بز دولتك دردست ايسا بروظيفه تاريخيه سى وارميدر ، يوقيدر ؟ اونى آنجق كندى بيلير . بناء عليه بو شرط ، بي طرفلاشديريله جق دولتك تحصيل رضائى ضرورى قيلار . ۱۸۶۳ ده يونانستانك دائمي بي طرفلق حاله قومنى موضوع بحث اولمش ايدى . يونان حكومتى ، تشكىلى مرتبه كاله واصل اولمش

عد اتمدیکندن بو فکری رد ایتدی . کذلک پیهمون حکومتی، متفرق بتون ایتالیا حکومتلری کندیته الحاق ایله ایتالیا اتحادینی وجوده کتیرمک املنی تعقیب ایدرکن اونی دائمی بی طرفلق حالته قویمغه چالیشمق معقول اولمازدی .

۳ — دائمی بی طرفلق حالته وضع اولنه جق دولتك بنفسه قابلیت حیاتیته بی viable حائر اولمسی، دیگر بر دولتك نفوذینه متابعت و یا مریوطیت قیدندن آزاده، متمیز بر هویت ملیه و موجودیت سیاسییه مالک بولونمسی ایجاب ایدر. بی طرفلق، آنحق کندی کندیته یا شایه بیلن و یا شایان بر دولته تطبیق ایدیلیرسه مؤثر اولور. بوشرطک تحقیق، دیگر بر دولته هیچ بر وجهله تابع (inféodé) اولماغه وابسته در .

بو نقطه نظرندن لوکسنبورغک بی طرفلانی بر آرز خیالی در . زیرا بو مملکت ۱۸۴۲ ده آلمان (چولفراین) نه داخل اولمش ایدی . آلمان کومروک اتحادینک سیاسی نتایجی نه قدر مهم اولدیغنی، آلمان وحدت حاضره سندن ده ائی اثبات ایده جک بر دلیل یوقدر. بویله ایکن ۱۸۶۷ ده لوکسنبورغک دائمی بی طرفلق حالته وضعی تقرر ایتدی. لوکسنبورغ بی طرف اولدیغنی زمان، چولفراینک ربع عصرلق بر عضوی بولونیوردی. اوندن باشقه ۱۸۷۰ دن بری کرک آلمانیا ایمپراطورلنی طرق حدیده سنک لوکسنبورغه دخولی و کرک آلمانیا به تابع ناسو دوقه سنک لوکسنبورغ تحته جلوسی حسیله بو حکومت، خیلی زماندن بری قوی قومشوسنک زیر اماننده ایدی .

۴ — دائمی بی طرفلق حالته وضع اولونه جق دولتك، ایکی و یا متعدد بویوک دولت اراضیمی آره سنده کائن و اهمیت سوق الجیشیه بی حائر بولونمسی فقط اونلرک اردولرینک بیکانه طریق تماسی اولماسی اقتضا ایدر .

دائمی بی طرفلنی تولید ایدن فوائد و ملاحظات صره سنده اسباب سوق الجیشیه نک ده بر اهمیت اولدیغنی یوقاریده ستویله مش ایدک . بناء علیه : دولتك دائمی بی طرفلق حالته وضعی ایچون آرانان شرائط اصلیه میاننده او مملکتک وضعیت عسکریه سنده بریر ویرلمسی پک طبیعی در .

از جمله پروفیسور (آلتوان پی به)، «حقوق حرب» عنوانی اثر مشهورنده اسویجره حقه ده دیورکه :

«اسویجره»، اوروپاده موجود اک مهم طرق عسکریه نک تلاقیگاهی، درت یول

آغزی در. بویوک طاغیردن منشکل بر سورایه محاط و طبعی بر استحکام حالده وضعیه الک قوی ایمبراطورلقره حاکم بولتان بودولت، اولککینده الک بویوک نهرلردن در دینک منبعی احتوا ایتک کی مستنا بر فائیه مالکدر. موقع جغرافیسی بویله اولنجه، اوروپاده بر حرب ظهورنده اسویچره نک یکیدلرینه، صحرالینه وضع ید ایدلسی، اونی یاپه بیله جک دولته بویوک بر رجحان بخش ایده جکدر. شبه سز هر دولت، استقبالده بویله بر اشغالدن کندیسی ایچون تولد ایدیه بیله جک مهالک عظیمه بی بر طرف ایتکده حائر منفعدر. اشته بونک ایچوندرکه، برنجی پارس معاهده سنی امضا ایدن دولتلر، اسویچره به دائمی بی طرفلق فوائدی بخش ایدن ۲۰ مارت ۱۸۱۵ بیاننامه سنی اصدار ایتدیلر. (تیه)، (ایمبراطورلق وقونسولا تاریخی) نده اسویچره بی طرفلق سبب تاریخیسی شو وجهله ایضاح ایدیور: «اسویچره، اوروپا سیاستک، فرانسه ایله آوستریا آره سنده نقاط تماس و تعرضی ازاله ایچون بویوک بر حکمت و کیاسته او دولتلرک آره سته قویدینی بر مانع در.»

بلجیقا ایچون ده اون یدنجی عصر میلادینک بدایتلرنده مشهور (ژوست لپس Juste Lipse)، شو مطالعه بی سرد ایدیوردی:

«آطه لر دکنری یونان دکنزدن تفریق ایدن بر رخ، [او زمان قورنت قانالی آچلماش ایدی] بویکی دکنرک امواجنک تصادم و اختلاطی منع ایتدیکی کی، بزم کوچوک بلجیقا مزده هریری قابلایه جق و هر طرفدن طاشه جق اولان بویوک ایمبراطورلقری توقیفه مؤکل کی کورونیور» ینه (تیه)، ۱۸۳۱ ده بلجیقا ایچون، «بزه قارشى انشا اولومش برکوری باشلی tête de pont در» دیوردی.

لوکسبورغ بی طرفلقی تدقیق ایدن (وامپاج) اسمنده بر مؤلفده شو سوزلری یازیوردی:

«اسکی استحکامک ییقلسنه رغماً لوکسبورغ شهری، دائماً مهم بر موضع جغرافی اوله رق قاله جقدر، لوکسبورغ، آلمانیانک فرانسه به الک طبعی واک سهل بر منطقه استیلاسی در. اوراسنی دول متجاوزیه ربط ایدن شکات حدیده، لوکسبورغ ایچنه سرعتله قوای مهمه تحشیدینه مساعد در.»

الحاصل دائمی بی طرفلق، شرائط طبعیه آنفیه نه درجه زیاده توافق ایدره اونک احتمال مرعیت و بقایى او درجه زیاده اولور.

دائمی بی طرفلق و آندن متولد و جانب ، علی العاده دیگر هر بزدولتک حائز اولدینی حقوقدن بعضلرینی، دائمی بی طرفلق حاله قونان دولتن نزع و آنک حقوق سلطنت و حاکمیتنی تقید و تنزیل ایدرمی ؟ ایتمیزی ؟ بو مسئله مؤلفین بینده خیلی مناقشاتی موجب اولمشدر .

بو بایده بی طرف دولتره منسوب حقوقیون ، بالطبع کافی درجهده بی طرف داورانما مقده و منسوب اولدقلری دولتک حقوقنی توسیعه مینال بولمقده درلر . از جمله پروفیسور (آلفونس ریویه) ، سالیان دقت دلائل حقوقیه ایراد ایدیور ، و دیورکه : « حریت ، قاعده ، و تقیدات ، استنادر » . دائمی بی طرفلق صلاحیات و وظائفک تعیننده اساس ، بو بی طرفلغنی تأسیس ایدن مقاوله *acte constitutif de la neutralité* در . بو مقاوله بی طرفه محمول و جائی تعداد ایده بیلیر . مقاوله ، ساکت ایسه ، حقوق اصلیه دول سکتهدار اولماز . « دائمی بی طرفلق ، بر وضعیت استثنائیه درکه تحدیدی *limitative* بر صورتده تفسیر ایدلمک لازم کلیر . استنباه حصولنده و احکام صریحه نک فقصدانی حالده حاکمیت و سلطنت ، توسیعی *extensive* بر تفسیر ایله بی طرفلقدن استنتاج ایدلمک ایستلن تقیداته غلبه ایدر »

حالبوکه دیگر مؤلفلر ، بویله دوشونمیلورلر ، حق حرب ، حق عهد ، حقوق حاکمیت جمله سندندر . دائمی بی طرف دولت ، رأساً حرب آچاماز ؛ تجاوزی اتفاق عقد ایده مز . بی طرفلق معناسی ده بوکی صلاحیاتک استعمالنه مساعد دکلددر . بو وجهله دائمی بی طرفلره توجه ایدن و جانبک یا لکنز تعدادی بیله بونک حقوق سلطنتی نه درجه تقید ایتدیکنی کوستریر .

پروفیسور (پی به) دیورکه : « دائمی بی طرفلق حاکمیتی تنقیص و یا تقید ایمیجه چکی ادعا ایدلمکده در . حقیقت بوفاده به توافق ایتیمور و ایده مز . دائمی بی طرف دولت ، دائمی صورتده مسالم قالمغه مجبوردر : آئیده مخاصماته محل و یره چک هرشیدن اجتناب ، اونک وظیفه سی ایجاباتندندر . بو صورتله دولتک سیاسی ، بدرجهیه قدر دول کافله نک نظارتی آلتنه قنمش اولور . چونکه دول کافله ، اونک بی طرفلغنی مدافعه ایتکه متعهد اولدقلرندن او بی طرفک کندی خطاسیله تهلکهیه دوشمنه میدان و یرمه مکه بالطبع صلاحیتداردرلر »

خلاصه : دائمی بی طرفی ، دولتلك حاکمیتی تقید ایله اولره بعض وظائف موضوعه تحمیل ایدر . بو وظائف بر قسمی منفی و دیگری مثبت و ایجابی در :

دائمی بی طرفی وظائف منفیه سی

بی طرف دولتك وظائف منفیه سی میانده باشلیجه سی ، مدافعه مشروعه حالی مستثنا اولوق اوزره مردلو افعال خصمانه دن ، حق حربك تطبیقه وسیله ویره جك عقود دن ، ایقاسی حال حربی داعی اوله یله جك مردلو آهه داندن توق ایلمکدر . بی طرف دولت . کندیسی دوعرودن دوعرویه ویا دولایسیله بر حرب تعرضیه سوق وایصال ایده جك هیچ بر معامله دولیه یه کیریشه میه جکدر .

دائمی بی طرفی و تأمین

ایشته بو جهلدن اولوق اوزره دائمی بی طرف بر دولت ، دیگر بردولتلك دائمی بی طرفی تأمین ایده من . ایدر سه او بی طرفلغه تجاوز اولوندیقی تقدیرده آتی محافظه ایچون بر حرب تعرضیه کیریشه مکه مجبور اولور . ۱۱ مایس ۱۸۶۷ معاهده سنک ایکنجی ماده سنده : « لوکسنبورگک بی طرفلی » - کندیسی بی طرف بر دولت اولان بلجیقا مستثنا اولوق شرطله - اشبو معاهده یه واضع امضا دولتلك تکفلی آلتنه وضع اولونمشدر « دینلبور و بلجیقانک بالذات بی طرف اولسی ، لوکسنبورگک بی طرفلی تأمین حقوقاً اهل عدایده منی انتاج ایلدیکی قبول اولونیور . مع مافیه عین بلجیقا ۱۸۸۵ قونفرانسنده قولغونک بی طرفلی تکفل ایدن دولتر ممانده بولونیوردی . واقعا مؤتمر مذکور سند نهائینک (۱۰) نجی ماده سنه نظراً دول مضیه ، بو بی طرفلغه رعایت ایتمکی تعهد ایدیورلر ، یوقسه ابتدیرمکی دکل . بونکه برابر بلجیقانک قونغویه بخش اولونان بی طرفلغه رعایت اولونمنی طلب ایچون مختاصات طریقنی دکل ، دیپلوما می طریقنی استعمال ایده یله جکی قبول اولونیوردی . چونکه بلجیقانک حقوق دول نقطه نظرندن حائر اولدییی شکل اساسی یه کوره آنجق کندی ملککک بی طرفلی مدافعه ایچون حربیه کیریشه جواز ویره یلایر .

دائمی بی طرفی و اتفاق

بی طرف دولت ، تجاویز اتفاق عقد ایده من . بو ، محتاج اثبات اولمایان بر حقیقتدر . بعض مؤلترلر بی طرف دولتلك ، تدافعی اتفاق معاهده سی عقد ایده یله جکنی بیان ایدرلر .

برجه بی طرف دولت، اتفاق تدافعی ده عقد ایده من. بوندن خیلی زمان اول، بلجیقانک و طائفنده قصور و بی طرفلقدن فراغت ایتمش اولمق سزین ادامه صلح ایچون منعقد بر اتفاق تدافعی اولان آلمانیا-اوستریا-ایتالیادن مرکب اتفاق مثله داخل اولوب اولامایه جنی، فرانسه و بلجیقا مطبوعاتنده شدتله مناقشه بی موجب اولدی ایدی.

حقوق دول نقطه نظرندن بو مسئله نك، مناقشه ده دگر یری یوقدر. غایه سی نه اولورسه اولسون، هر اتفاق تجاوزی و یا تدافعی، اولدن معین بعض شرائط داخلنده متفقلردن بهره من، کندی قواسمی، مقصد مشترک حصولی ایچون دیگر متفقلرک خدمته تخصیص ایتک وجیهه سنی تحمیل ایدر. هر اتفاق، دائماً لدی الحاجه قوته مراجعت احتمالی تضمن ایلمر. بو احتمال، دائمی بی طرفلقه ناچار بر مبنایت کوستری بر آندن باشقه دائمی بی طرفلق حالنده بولتان دولت، بر اتفاق تدافعی عقد ایده بیلسه، دیگر متفق دولت، بی طرف دولتک مقدراتی کندی نککنه ربط و تشریک ایده جک و آنک اوزرنده بویوک بر نفوذ احراز ایده جک ایدی. بو ایسه دولتلرک بی طرفلق حالته وضع اولتان دولته مناسباتنده ادامه موازنه دن عبارت اولان مقصد بی طرفیه کلیاً منافی در.

بر بی طرف دولتک کندی بی طرفلغنی تأمین ایدن و یا اتمه من دیگر بر دولته تدافعی صورتده اتفاق، آنجق دوچار تهدید و تهلکه اولان بی طرفلغنی صیانت ایچون جائز کوریلده-بیلیر. فقط بونک ایچون ده بی طرف دولته قارشی تجاوز، پک متین و بارز اولمق ایجاب ایدر. بی طرفلغک اخلاص ایدلمسی احتماله قارشی صلح زماننده عقد ایدلمش بر اتفاق، بی طرف دولته موقعی تهلکه یه القا ایدر. زیرا اونک متفق، معاونته محتاج اولدینی زمان هر حالده بی طرفک کندی سینه معاونت ایتمنی ایستیه جک و بو صورتله او بی طرف دولت آخرک مدافعه سی ایچون بر حربه سور و کاشمش اوله جقدر.

دائمی بی طرف دولته، بر صلح عمومی محافظه ایتک ایچون دیگر دولتلره ائتلاف ایتمنی بیله تجویز ایریله من. چونکه بو کبی ائتلافات، دیگرلرک تأسیس ایدلمک ایستلن مسالمتی تهلکه یه القا ایده جک افعال و معاملاتنی تشکیل ایچون بالضروره حربه منجر اولور. اسویچره قانون اساسینک سکرنجی ماده سی، اسویچرلرک، علی الاطلاق هر دولو اتفاق عقد ایده بیله جکنی تصریح ایدیور. بوجهت بالطبع حکومت مذکورده نك وضع بی طرفی سینه منافی در. صلح زماننده بر اتفاق تدافعی عقد ایتمنه جواز ویرلهمین بی طرف بر دولته، آتیا

خارجدن بر تجاوز و قوعی احتماله قارشی ، تماماً تدافعی بر ائتلاف عسکری یا بمسی دخی تجویز ایدیه من . بنابرین فرانسه مشاهیر محررین عسکریه سندن جنرال (لائفلوا) طرفندن یوندن اون سه اول بومسئله نك كرك جهت حقوقیه و كرك جهت عسکریه سه دائریازیلان بر مقاله ده سرد ایدلمش اولان فكره رغماً ، بلچیقانك هولانده ایله بو یولده بر ائتلاف عسکری عقد ایدیه مسمی ایجاب ایدر . فضله اوله زق بی طرف بر دولت ، كندی منفعتندن زیاده اوروپانك منفعت عامه سی ایچون متأسس اولان بی طرفلقدن رأی خودیه فراغت ایده من . چونكه او وضعیت ، بر مقاله دوله محصولی در .

آلمانیا حكومتك ، بعد الاستیلا بروكسیده اله كیروب قسماً اعلان ایدلیکی وئائق سیاسیه نظرأ بلچیقا حكومتك بو احكام حقوقیه به عدم متابعتی عادتاً بی طرفلغنی فدا ایتك ماهیتده كی كورولمش وبوده مع التأسف كندیسه خیلی بهالی به مال اولمشدر .

بالعكس بی طرف دولتك حد ذاتنده و نتایجی اعتباریه فوق العاده مسالمتكارانه بر معامله دولیه اشتراكی ، صورت مطلقه ده مشروعدر . بناء علیه بلچیقا حكومتك ، ۱۸۹۹ ده پارس مشهر عمومیه رسماً اشتراك ایتك ایچون كندی بی طرفلغنی سبب اتخاذ ایتمی و مسلكتی ، بی طرفلغنی كافل دولتلردن بعضلرینك خط حرکته توفیق ایدیه مسمی بك کوچ قرین تجویز اولور . بو صورته حركت ایتك ، بی طرفلق تأمیننی دول كافله نك مراقبه و حمایه سی حاله قلب ایدیه مك دیمكدر . حتی ، بویه بر طور ، فلان ویا فلان دول كافله نك ایچلردن برینه قارشی رقابت اقتصادی ویا خصومت سیاسیه سه بر آرز فضله اشتراك ایدیه مك و بو وجهه بی طرفلغه رعایت و سهله سی آئنده بی طرفلغنی اخلال ایتك معناسنی تضمین ایدر .

بی طرفلق و الحاق ممالك

دائمی بی طرفلق حال و وضعیتی ، بی طرف دولتك ، - ولو بر صورت مصالحانده - كندی اولكه سه اراضی الحاق ویا مستملكه اکتساب ایدیه سه مساعد دكلدر . مكركه دول كافله ، بی طرفلغنی آنك ممالك جدید سه سه ده تشمیل ایدر .

حتی بی طرف دولتك ، دیگر مملكتلری كندی حمایه سی ویا وعد صحابته كندی متبوعیتی آئنه آلمی سه ممكن و جائز اولاماز . فی الحقیقه بی طرف دولتك بر حرب آچمی ، آنجق بی طرف حاله قونان اولكه سنك محافظه سی ایچون جائز اولمسه كوره ، بلكه یكدن

آلدفی ممالکک مدافعه سی ویا محمیہ لرینک صیاتی ایچون کیریشمکه مجبور اوله بیله جکی حربلری محق ویا معذور کوسترمک ناصل ممکن اولور ؟

بو نقطه نظر دن ، قونغونك الحاقدن اول بلچیقانك ، آکا ویردیکی آوانسلك تأمیناتی اولق اوزره عدم تأدییه حالنده الحاق صلاحیتنی متضمن کندینه بخش ایتدیردیکی مساعده ، دوچار اعتراض اولمشدر . ۱۵ کانون اول ۱۹۰۸ ده ، باجیقا ، قونغونی صورت قطعیه ده کندیسنه الحاق ایتمش اولدیفندن بوالحاقك جواز حقوقیسی مسئله سی حقوقیون آرسته ده باعث مناقشه اولمشدر .

دائمی بی طرفلق وائتلافات اقتصادی

دائمی بی طرفلق حالنده بولان بر دولت ایله بر گومروك اتحادی عقدی دخی غیر جائزدر . چونکه بویه بر اتحاد ، بی طرفك منافعی ، دیگرلرینك منافی ایله تشریک وربط ایده جك و آتی عین مجادلات اقتصادییه ربلکه بالآ خره عین مخایانه سوق ایله جك ایدی . بوسیه مبنی درکه ۱۸۴۲ سنه سنده موسو (گیزو) ، - انکلتیره نك بر اختاری اوزرینه - بلچیقا ایله بر گومروك اتحادی عقد ایتمکدن فارغ اولمشدر .

لوکسنبورغك ۱۸۴۲ ده داخل اولدینی چولفراینك اعضاسندن بوانسی ، ۱۸۶۷ ده دائمی بی طرفلق حالنه قومسنه مانع اولمادیسه ده بو ، استثنائی بر حالد .

زمانمزد بلچیقا ایله هولانده آرسته بحث اولتان ائتلاف عسکری ایله برابر ، بر ائتلاف اقتصادی وجوده کتیرلسی توصیه اولونمقده در . بوا یکی مملکت آرسته ده حصولی ایستلن ائتلاف قوی اقتصادی ، حقوقاً ، ۱۸۴۲ ده فرانسه ایله باجیقا آرسته ده بر گومروك اتحادی پروژهنك معروض اولدینی اعتراضاتك عینه مصادف اولور ؛ و فعلاً دخی احتمالکه انکلتیره نك دکل ، فقط هر حالده آلمانانك مخالفتنه معروض قالیردی .

دائمی بی طرفلق و اتحاد

بی طرف بردوات ، کندیسنی باشقه بردولته ربط و بند ایده جك و آنك کیریشه جکی محارباته سور و کلیه بیله جك معاهدات عقد ایده من . عقد ایدرسه بی طرفلغك غایبانه معکوس برخط حرکت اتحاد ایتمش اولور . بناء علیه بی طرف دولتك نه بر اتحاد حقیقییه ، نه بر فده راسیون ویا قوفقه ده راسیونه داخل اولامایه جکی ونه ده بر حمایت آلتنه کیره میه جکی قبول ایدمک لازم کلیر .

بالعکس بر بی طرف دولتک بر اتحاد شخصی به دخولی جائزدر . چونکه یکدیگر به
اتحاد شخصی حالده بولان دولتک ، حال و وضعیت سابقه لر بی محافظه ایدر لر . حکمدارک
شخصدن باشه بر اشتراکری یوقدر . از جمله ۱۸۶۷ دن بری دائمی بی طرفلق حالده
بولان لوکسبورخ ، ۱۸۹۹ سمنه قدر هولانده به اتحاد شخصی رابطه سیله مربوط
اولمشدر . کذا دائمی بی طرف بر مملکت اولان اسویجره نک اقسامندن (نوساتل) دخی
۱۸۵۷ سمنه قدر عین شرائط داخلده پروسیا قراله متحد اولمشدر . قولغو دولتی دخی ،
بلجیقا قرالی ایکنجی لئوپولدک یوم وفاتی اولان ۱۷ کانون اول ۱۹۰۹ تاریخندن جزئی
بر مدت اول ، بلجیقایه صورت قطعیده الحاق اولوتجیه قدر آنکه اتحاد شخصی حالده
بولوشمدر . فقط بی طرف دولت ، دیگر دولتک کیریشه بیله جککری مجادلات ایچون
آنلره تشریک مقدرات اتمه مک وظیفه سمنه منافی اولمایان هر درلو معاهداتی عقد ایده بیلیر .
از جمله تجارت ، سیر سفائن ، اعاده مجرمین ، تنفیذ اعلامات ، حمایت حقوق افراد ...
حقنده مقاوله لر عقد ایدر .

دائمی بی طرف دولتک وظائف ایجابیه سی

وظائف ایجابیه نقطه نظرندن بی طرف بر دولت ، مملکتی مدافعه حقنه دکل ، بلکه
وظیفه سمنه مالکدر . بویایه بی تأمین معطوف تدابیری اتخاذ خصوصنده صلاحیتی مسلمدر .
دائمی بی طرفلقدن صورت طبعیه ده انبعاث ایدن وجائب منفیه میاننده ، بر اردو بسله مه مک ،
هیچ بر استحکام انشا ایده مه مک کبی وظائفه اصادف اولونماز . بونک سببی شودر که بویله
بر مجبوریته ، دائمی بی طرفلق تأسیسک نتیجه سی دکلدر . بی طرفلنی تأسیس ایدن مقاوله ده
بویله صریح نهلر بولنه بیلیر . لکن بو ، بی طرفلق فکریسک ضرور یاتندن صایلا ماز .
حتی بالعکس موسیو (نرنست نیس) ه کوره : « مدافعه ملیه بی ترتیب اتمک ، هر دولت
حاکمه مک الک برنجی وظیفه لرندن در . اگر بو دولت ، دائمی بی طرفلق حالده ایسه بو
وظیفه تضاعف ایدر یعنی هم ذی حاکمیت صفتیه هم ده بی طرف دولت صفتیه مملکتک
اسباب مدافعه سی استکماله مجبوریته واردر »

۱۸۲۱ ده جنرال (ژومینی) یازیوردی که :

« اسویجره نک بی طرفلنی مسئله سی ، آنک بالذات موجودیتی مسئله سی در . اسویجره نک
اونی مدافعه ایچون بالکتر نیت دکل ، قدرت ده کوسترمیسی لازمدر . »

۱۸۴۳ ده بلچیکا مجلس مبعوثاننده (له بو) ، « بلچیکا بی طرفلغی ، بر معنا افاده ایتک ایچون قوی و مسلح اولمالیدر » دییوردی .

مشاهیر مهندسین عسکریه دن (بریالمون) ، مجاور دولتلردن بری طرفندن تجاوز و قوعنده آنوره سه چکیله رک فرصته مترقباً بر وضع انتظار آلمی توصیه ایدن بر ذاتک فکرینه اعتراض ایله شو مطالعه بی سرد ایلیوردی : « بی طرف بر دولتک وظیفه سی طوپراغنه ایلک تخطی ایدن دولته قارشى سلاح بدست اوله رق مدافعه ایتمکدر . آنوره سه چکیله مک ، وضع انتظار آلق ، فرصت قوللامق ونه دن صکره ایشه کیریشمک مسکنت و ذلتدر . بویه حرکت ایدن بر ملت ، الحاق اولمغه کسب استحقاق ایدر . وظیفه بی طرفی ، هر هانکی طرفدن ایلک تعدی واقع اولورسه اونى دفعه بدل غیرت ایله مکی استلزام ایدر . بونک یچون ده عندالحاجه بواشی کوره بیه جک عساکر و تحکیماتی صاح زمانندن احضار ایتلیدر . بوسوزلری سوله یین ذات ، هیچ شبهه سز ، آلمانلره مقاومت ایچون دها اولدن فرانسزلی ایچری آلمی وظائف بی طرفیه موافق بولمازدی . فقط بلچیکا ، اسویچره کی دولترک لزوم تحقق ایتدکه یوردلری محافظه ایچون تسلیحاتده بولملرند خلاف وجانب بی طرفی بر حال یوقدر . بعضیلرینک دیدیکی کی « مسلح بی طرفلق » تعبیری بر منطقسزلق ، بر اجتماع ضدین دکلدر .

داخلده انتظامی تأمین ایچون بی طرف دولته بر اردو لازمدر . کذاک عندالحاجه بی طرفلغنه رعایت ایتدیرمک ، موجودیتنی محافظه ایلامک ایچون ده بولزوم موجوددر . بلچیکاده مکلفیت عامه عسکریه مسئله سی اورتیه چیقیدی ، موز استحکامات جدیده سی انشا ایدلیدیکی زمان رفع صدای اعتراض ایدن اولمادی . اوروپا ، اسویچره نک قوای عسکریه سنی تزیدوغوتار استحکامات جدیده سنی اشاخصوصنده کی حقنی ده سکوتیه قبول ایتدی . بونکله برابر بی طرفک قوای عسکریه سنی - کندی سوءنیتی احساس ایده جک وجهله - مفرط صورنده تزید ، حموی بر فعالیتله استحکامات و طرق عسکریه انشاء ده بویلر تأسیس ایله سی ، بی طرفلغک آشکار بر صورنده اخلاص ایدلمسی کی تلقی ایدمک لازم کلیر . اوتقدیرده دولتر اوکا قسماً ترک تسلیحات تکلیف ایدرلر .

خلافه صراحت عهدیه موجود اولمادجه بی طرفک ، افراطه و ارماق شرطیه تدابیر تدافیه عسکریه سی مختلف فیه اولماز . بعضاً معاهده ، بوبابده نواهی بی احتوا ایدر . ۱۸۱۷ ده

لوکسبورغ ایچون بایلدیگی کبی بی طرف دولتک اردویه مالک اولماسی واستحکاماتی
هدم اتمسی، بی طرفلغنک بر شرطی اوله رق قبول ایدیلیرسه، بویه بر دولتک بی طرفلغنی
بالذات مدافه، مجبوریتدن مبرا اولدیغنی تسلیم اتمک لازم کلیر .

دائی بی طرفلق حاله قوشمش بر دولتک، کندی حدودلری قرینده دیکرلری طرفندن
آثار و مبانئ عسکریه وجوده کتیرلمسی منع اتمک حقنه مالک اولدیغنی بعض مؤلفلر
طرفندن ادعا ایدلمش ایسه ده بویه بر حق قبول ایدیلیرمز . بو آثار عسکریه، آنلری
وجوده کتیرن دولت ایچون صرف تدافعی بر ماهینده اولوب قومشوسنک بی طرفلغنه
قارشى برکونا تعرضی تضمن اتمه بیلیر .

مع مافی بعض دفعه مضطرب احتیاط اثری اوله رق معاهدات، بونوع ممنوعیتلر احتوا
ایدر . مثلا ویانه نوغره سی سند نهائیسنک سکرنجی ماده سی قراقوویانک دائمی
بی طرفلغنی تهدید اتمه مک ایچون (بودغورسه) بی تحکیم اتمکدن آوستریای منع ایلیور
ایدی . ۱۸۶۲ ده (داب) وادیسند نصحیح حدود ایچون منعقد مقاوله ده فرانسه ایله
اسویجیره ، بووادیده استحکامات انشاسندن یکدیگری منع ایله مشلردر .

کذلک اسویجیره بی طرفلغنی صیانه ، ۲۰ تشرین ثانی ۱۸۱۵ پارس معاهده سنک
اوجنچی ماده سی ، (هونیغ) استحکاماتنک احیاسی و (بال) دن اوچ فرسخدن ده
آز مسافده انشآت تحکیمیه ده بولونلمسی منع ایدیور .

بالعکس ویانه نوغره سی سند نهائیسنک طقساتجی ماده سنه نظراً، ساردنیا قرالی
وبناء علیه صادرواده آکا خلف اولمق حبیلله الیوم فرانسه، اسویجیره حدودی اوزرنده
بی طرف مناطقده بالجمله آثار تدافعی بی انشا خصوصنده تمامی حریتی محافظه ایدر .
دائی بی طرف دولتک درجه حریتی

وضعیت دوله سندن منبعت و بالاده مباحوث و جائب مخصوصه خارجنده دائمی بی طرف
بر مملکت ، استقلال تامنی محافظه ایدر ، وبالخاصه کندی امور سیاسیة داخلیه سنده دول
کافله نک بر مداخله سنه معروض اولاماز . ایسته بوجله درکه (۱۸ ماده معاهده سی
Traité des dix-huit articles) دنیلن مقاوله نک طقوزنجی ماده سی، دولتک، باحققانک
دائمی بی طرفلغنی « آنک اداره داخلیه سنه قاریشمق سزین » تأمین وتکفل ایتدکلرینی
سویلیور . دول متکفله طرفندن بر مملکت ایچون تنسیب و آنک دائمی بی طرفلغنی ایله

عین زمانده تأسیس ایدیلن اصول و اداره سیاسیه ، مقارله مخصوصه اولمادجه ، دائمی بی طرفانق ایله برابر تأمین ایدلمش صایلاماز و او دولتر طرفندن بأی حال الزام و ترویج ایدیله من .

از جمله بلجیقا حقیقه ۲۷ کانون ثانی و ۱ و ۷ و ۱۹ شباط ۱۸۳۱ پروتوقوللرینک موضوعی ، بلجیقا تخندن بعض نامر لری دور ایتمک و بومملکت ایچون دول متجاوزدنک موجودیت و آسایشنی مؤمن بر حکومت حاضر لامقدر . حتی ۱۹ شباط ۱۸۳۱ تاریخی پروتوقوله تأیید ایدلمشدرکه بلجیقا ده تبدلات اداره ، بی طرفلغه عائد مقاولاتی هیچ بروجهله تعدیل و تغییر ایدمه جکدر .

واقعا دولتر ، ۱۸۵۸ ده بی طرف اسویچره دولتنک اجزاسندن اولان (نوشاتل) ایله پروسیا آرسنده کی اتحاد شخصی رابطه سنک انقطاعندن دولانی نوشاتلک تبدل اداره سیله مشغول اولمشلرسده ، بونک سبی ۱۸۱۵ ده احداث ایتمش اولدقلری بر حال و وضعیت جواز تعدیلی موضوع بحث اولمندن عبارتدر .

اسویچره نک ۱۸۱۵ ده دول کافله طرفندن قبول ایدلمش اولان تشکیلاتی ، بی طرفلتنک بر شرطی اولدییی بهانه سیله ۱۸۴۷ ده کیزو و ۱۸۳۲ ده پالمستون طرفندن اسویچره ده کی تحولات سکل حکومته مخالفت اولنمی ، بر سبب معقوله استناد ایتمه مکده ایدی .

ویانه قونفره سنده اسویچره اوری قومیته سنک ۱۶ کانون ثانی ۱۸۱۵ تاریخی ده قناراسیونی ایله سند نهائینک یتیش دردنجی ماده سی ، اسویچره نک بی طرفلتنک مدافعه سی درعهده ایله یین ، اورویایه تأمینات عرض ایدن ذی قوام بر حکومت تشکیلاتی استهداف ایدیوردی . بناء علیه اسویچره ۱۸۴۸ ده وبالا آخره ۱۸۷۴ ده یاپدینی کی قانون اساسیسی تعدیلده تماماً سربست ایدی .

بی طرف حاله قونان دولتر ، دیکر لری ایچون تهلیکیلی تحریکات سیاسیه ویاتسویلات اختلالیه مرتب لری اولکهلری اوزرنده مساحه و آنلره بخش ملجأ ایدمک نقطه نظرندن حقوق مشترکه وعامه و جائیدن فضله بر مکلفیته تابع دکلدرلر . حقوق دولک دیکر ستون دولتره اولدییی کی بی طرفلره ده تحمیل استدیکی وظائف عمومیه خارجنده بی طرفانق حالنک ده قوتلی وجائب تحمیل ایلدیکی ادعاسیله آنلرک ضابطه داخله لرینه قاریشیق ، بونوک بر سوء استعمالدر . ۲۰ مارت ۱۸۸۸ ده قونسه ی ناسیونالده کی بر نطقنده اسویچره نظارندن موسیو (دروز Droz) ، بحق بویولده سرد مطالعه ایله مشدر .

دائمی بی طرفی و مؤیدی

دائمی بی طرفی حالک صیاتی ، اونی تأسیس ایدن دولت طرفدن ویریلن تأمینات ایله تجلی ایدر . بوتاؤمینات ، اولاً - بی طرفلغه رعایت ایتک ، ثانیاً - آنی اخلال ایتک ایستین دیکر هر هانکی برملکته قارشی اونی طرفلغی مدافعه ایله مک وظیفه لرینی نضمن ایدر . تأمینک بوایکنجی شکلی ، بی طرف دولتک طلب و مراجعتنه لزوم کورولمکسزین رأساً واقع اولمایدیر . حتی اونک طرفدن ممانعت وقوع بولسه بیله بوکا باقیله ابوب آنک بی طرفلغی مدافعه ایتک جائزدر . چونکه بی طرفلق ، بالذات بی طرف دولتک منفعتنه اولدینی قدر دول کافله منفعتنه مناس برحق مکسودیر .

دائمی بی طرفلغک دیکر دولت طرفدن کفالت و تأمینات آلتنه آلتسی ، ایکی صورتله اولور : یا منفرداً ، یا مشترکاً . - برنجیسنه (تأمین بسیط) ، ایکنجیسنه (تأمین مرکب) دینیر . تقدیر اوله کوره ، هر کافل ، بی طرفلغی مدافعه ایچون یالکزر باشنه مداخله ایدیه بیلیر ، وایتک لازم کبیر . یاخود دیلرسه ، دیکر کافله له ائتلاف ایلر . تقدیر ثانی یه نظرآ بالعموم مشترک کافلر ، اولجا ائتلاف و توحید حرکت جالیشمالیدرلر . ایچلرندن بری ، دیکر لرینک استکافی حالده یالکزر باشنه حرکت ایتک مجبور صایلاماز . فقط بالمقابله کافلردن برویا برقاچک بی طرفلغی مدافعه ایچون حرکتدن امتناع قطعیمی ، دیکر کافلرک حرکتی معطل ویا عقیم براقماز .

اگر کافلردن ایکیمی ، یکدیگریله حال حربده ایسه یته کافلردن دیکر بر دولت ، محاربلردن هر بریله ، طرف دیکرک اخلال بی طرفی ایله سنی منع مقصدیه عقد ائتلاف ایدیه بیلیر . نته کیم انکلتزه حکومتی ، بلجیقانک بی طرفلغی ایکی محاربدن بری طرفدن اخلال اولوندینی تقدیرده اوکا قارشی طرف دیکره وعد معاوتی حاوی اولق اوزره ۹ اگستوس ۱۸۷۱ ده آلمانیا ایله ، ۷ اگستوس ۱۸۷۱ ده فرانسه ایله معاهده لر عقد ایتدی . لکن بودفعه اوحسن یتتی کوسترمه دی . نشر ایدیلن وثائقدن مستفاد اولدیغنه کوره ، بلجیقانک بی طرفلغنه وحدودینه رعایت ایدلایکی تقدیرده انکلتزه حکومتک حرب حاضره قارشی بی طرف قالب قالا میه جنی حقنده ، قبل الحرب آلمانیا طرفدن انکلتزه یه وقوعولان استفساره ، انکلتزه حکومتی بر جواب شافی ویرمه مش وبوصورتله سوء نیتی انبا ایتشدیر .

مع مافیه - بعض مؤلفان نه دیرسه دیسین - بر بی طرفلقک مرعیتی ، آنحق آتی قبول ایدن دولتره ترتب ایدر. دیگر مواضعده اولدینی کبی بوندهده معاهده لر، یالکر عاقلدری ربط ایدر- ولور قونغر شکی آلتنده برچوق دولترک موافقتنی جمع ایتش اولسه دخی- بونک خلافتی قبول ایتک ، دولترک حاکمیت و سلطنتی اساسلرینی احایله آنلری بعض بویوک دولترک مقرراتنه تابع بر حالده بولوندورمغه منجر اولور .

فقط اکثریا ، بر التحاق صریح واقع اولمقسزین دیگر دولترک بویله بعض مملکتلر ایچون تأمین ایدیلن بی طرفلغی ضمناً قبول ایتدکری واقع اولور . شو تقدیرده بو قبول ضمینک قیمت و شمولنی تقدیر ایتک مسئله سی قالیر. ایشه بووجهه درکه بلچقا واسو یچره نک بی طرفلغی دونکی کونه قدر اوروپا حقوق عمومیه سنک اقسامندن اولمشر .

دائمی بی طرفلقک عدم مرعیتی

اگر بی طرفلق ، - کرک کافل دولتردن برینک آکا عدم رعایتی و بی طرفک آتی منع ایتک و سائطنه عدم مالکیتی صورتیله ، و کرک بی طرف دولترک، حرکات و استحضارات عسکریه ایچون کندی اولکهنک قوللانلسنه مساعدنه ایتمی صورتیله- اخلال اولونورسه، دیگر کافل بر دولت ، کنديسنی، بی طرفلغی نظراعتباره آلتق وجیهه سندن تخلص ایتش عد ایلیه بیلیرمی ؟

بعض مؤلفلر، بوسؤاله، «ایده بیلیر» جوانی و ریورلر. بو نقطه نظر، لوکسبورغک بی طرفلغنه فرانسه طرفندن رعایت اولونمادیغنه دائر بیسهارق طرفندن ویریلن ۳ کانون اول ۱۸۷۰ تاریخی نوطهده دخی التزام ایدلش ایدی. لکن لوکسبورغ رجال سیاسیه سندن موسیو (سهره) ، بوکا اعتراضله دیمشدرکه: بی طرفلغنه رعایت تعهد و وجیهه سی ، دیگر کافل دولتره قارشیده عقد اولونمشر و آنلرک مقاوله خلافنه بر حرکتلری ادعا ایلیه میه چیکی ایچون اونلره قارشیده بو رعایت باقی قالمق لازمکلیر . انکلتره و آوستریا، بو صوک فکره اشتراک ایتدیلر. فقط بوخصوصده فضله بر امیده قایلیمقده دوغرو دکدر . زیرا متوفی پروفیسور (فرانچده سپانیه) نک دیدیکی کبی : « محاربلردن بری ، دائمی بی طرفلق حالنده بولنان بر دولترک بی طرفلغنی اخلال ایتدیکی و مبرمیت مطلقه بولدینی تقدیرده ، دیگر محاربک پک غیر مساعد بر وضعیت عسکریه Infériorité stratégique ایچنده قالماسی ایچون ایجابات حرب ، اونکده بالمقابله اوبی طرفلغنی اخلال ایله مسنی ضروری قیلار. فقط بونک ایچونده

محارب ديكرك بى طرف اولكه سىنه تجاوزاتى ، بالمقابله اونك كى حركت اولونمايدىنى
تقديرده نتيجه محاصراتى تهلكيه الفا ايده جك درجه ده بولونمق ايجاب ايدر .
ايسته بونك ايجون ۱۸۷۰ ده بيمارق ، لوكسبورغ اراضيسنه بر تجاوز واقع اولديسه
بيلا اهميتدن عارى بولونديغندن بالاده بيان اولنان تشبثانده اصرار ايتمدى .
فقط بودفعه فرانسه نك استحضارات عسكردده بلچيقا ايله استراكى وآنك وظائف
بى طرفيسيله ناقابل تأليف تشبثاتى ، هرشيدن اول نتيجه حربى تأمين ايتكى دوشونمك
مجبوريتده بولنان آلمان ارکان حربيه سنى (ده سپانيه) نك اباحه ايتديكى طرزده حركته
سوق ايله مشدر .

ايسته حقوق عموميه دولك دائمى بى طرفلق حاله تعلق ايدن احكام وقواعدى شو
مقاله مزده تالخيص ايدلمشدر . موضوع بحثى تشكيل ايدن وجائب بى طرفينك قسم اعظمه
بلچيقانك صادق قالماسى حسييله معروض اولدينى احوال ، بر دولتك عهد سىنه مترتب
وجائب حقوقيه بى جزاسزجه اهامال ايدمه جكنى كوسترن عبرت بخش مثاللردن در .

حقوق فاكولته سى مدبرى

وحقوق عموميه دول مدرسى

احمد صلاح الدين

